

TITULO I DISPOSICIONES XERAIS

CAPITULO I DENOMINACIÓN, ENDEREZO SOCIAL E FINALIDADE

DILIXENCIA para facer constar que os presentes Estatutos da entidade, *Federación Galega de Triatlón e Pétanque Moderno*, fueron ratificados e inscritos co núm. F. 02042, no Registro de Entidades Deportivas de Galicia, de conformidade co disposto na Lei 3/2012, do 2 de abril, do deporte de Galicia (DOG 13-04-2012).

Santiago, a ... de ... de 2012.

ARTIGO 1.- A Federación Galega de Triatlón e Pétanque Moderno, *constituida o dia 10 de abril de 1989*, é unha Entidade de Dereito Privado que reúne a deportistas, adestradores, xuíces, así coma a clubs, seccións deportivas, asociacións. Agrupacións e outros colectivos interesados estatutariamente establecidos dedicadas á práctica do Triatlón e Pétanque Moderno no territorio galego.

ARTIGO 2.- A Federación Galega de Triatlón e Pétanque Moderno ten plena personalidade xurídica, propia e absoluta capacidade de obrar para o logro da consecución dos seus fins, sen ánimo de lucro e réxese pola Lei 3/2012, do 2 de abril, do Deporte de Galicia, e as súas normas de desenvolvemento, polos seus propios estatutos e regulamentos debidamente aprobados e polas demais disposicións legais ou federativas que resulten aplicables.

ARTIGO 3.- A Federación Galega de Triatlón e Pétanque Moderno ten o seu enderezo na Rúa Castelao, 21, Lugo C.P. 27001 Tfno. Fax. 982.25.13.45.

ARTIGO 4.- É función da Federación Galega de Triatlón e Pétanque Moderno a de ordenar, dirixir e planificar tódalas actividades do Triatlón e Pétanque Moderno en Galicia, en coordinación co organismo competente da Xunta de Galicia, exercendo para elo as facultades atribuídas polos presentes estatutos, así como aquelas de carácter público que se delegan na Lei 3/2012, do 2 de abril, do Deporte de Galicia; e colaborar coas Administracións Públicas e ca Federación Española de Triatlón e Pentatlon Moderno, así como cas restantes entidades deportivas, na promoción do Triatlón e o Pétanque Moderno nas súas diferentes modalidades cando se trate de actividades de ámbito español e da I.T.U. e da UIPM, no ámbito internacional.

ARTIGO 5.- 1º) Son competencias da Federación Galega de Triatlón e Pétanque Moderno:

- 1.- A promoción do desenrollo e a práctica do Triatlón e Pétanque Moderno, regulamentar e coordinar o aspecto técnico e organizar os campionatos e competicións da súa Xurisdición
- 2.- Regular o réxime xurídico e disciplinario dos Clubs, Seccións Deportivas, Asociacións, Agrupacións, Comités e a totalidade das Entidades, deportistas, adestradores, xuíces, directivos todas aquellas persoas que dalgún xeito interveñan na organización e práctica do Triatlón e Pétanque Moderno, cumplindo sempre as disposicións vixentes sobre estes casos.
- 3- Formar e cualificar a persoal técnico e deportivo especializado.
- 4.- Organizar os circuitos de Triatlón (consistentes en nadar, ir en bicicleta e carreira a pé), Duatlón (consistente en correr a pé e mais en bicicleta), Acuatlon (consistente en correr, nadar e correr a pé). Cuadriatlón (consistente en nadar, ir en piragua, ir en bicicleta e correr a pé), Triatlón Branco (consistente en facer esquí, correr en bicicleta e *correr a pé*) e Duatlón de



Montaña (consistente en correr a pé e ir en bicicleta de montaña). Organizar as probas de Pentatlón Moderno, Biatlón, Láser Run, Triatle, Biatle e Triatlon Moderno.

5.- Coordinar as funcións e competencias das Delegacións Zonais e Delegacións comarcas.

6.- Asignar, controlar e fiscalizar as axudas e subvencións ós seus afiliados.

7.- A convocatoria das seleccións deportivas e a designación dos deportistas que as integren.

8.- Elaborar os seus propios regulamentos deportivos.

9.- Elaborar e aprobar o Orzamento do exercicio anual, memoria, balance e contas.

10.- Celebrar convenios cas Administracións Públicas e Corporacións e Entidades dependentes das mesmas e outras persoas ou entidades xurídico privadas.

11.- Son funcións públicas delegadas, e exerceránse en réxime de exclusividade pola Federación Galega de Tríatlon e Péntatlon Moderno as seguintes:

a) Representar á Comunidade Autónoma de Galicia nas actividades e competicións deportivas da súa modalidade, de conformidade ca normativa de aplicación.

b) Organizar as competicións oficiais autonómicas federadas.

c) Expedir licencias deportivas nos termos da Lei 3/2012, do 2 de abril, do Deporte de Galicia.

d) Asignar as subvencións e axudas de carácter público concedidas a través da Federeación e controlar que os seus asociados lles dean unha correcta aplicación.

e) Garantir o cumprimento das normas de réxime electoral nos procesos de elección dos seus órganos representativos e de goberno, así como dos demais dereitos e obrigas derivados do cumprimento dos estatutos.

f) Exercer a potestade disciplinaria nos termos establecidos pola Lei 3/2012, do 2 de abril, do Deporte de Galicia e polas súas disposicións de desenrollo, de acordo cos estatutos e regulamentos.

g) Executar, no seu caso, as resolucións do Comité Galego de Xustiza Deportiva.

h) Colaborar cas administracións públicas competentes na prevención, control e represión do uso de sustancias e grupos farmacolóxicos prohibidos, así coma na prevención da violencia no deporte. A estes efectos, e entre outras accións, a Federación Galega de Tríatlon e Péntatlon Moderno instruirá e resolverá os expedientes sancionadores que no ámbito do dopaxe se susciten, de conformidade co establecido no título VIII da Lei 3/2012, do 2 de abril, do Deporte de Galicia.

i) Calquera outra que regulamentariamente se determine.

2º) As funcións públicas delegadas serán exercidas pola Federación Galega de Tríatlon e Péntatlon Moderno baixo a tutela da administración deportiva, que, conforme se determine regulamentariamente, procederá a súa asunción nos casos de extinción da Federación ou cando esta se atope en situación concursal.

3º) A Federación Galega de Tríatlon e Péntatlon Moderno exercerá as funcións públicas delegadas en réxime de exclusividade.

4º) Os actos adoptados pola Federación Galega de Tríatlon e Péntatlon Moderno no exercicio das funcións públicas de carácter administrativo son susceptibles de recurso administrativo ante o Comité Galego de Xustiza Deportiva.



ARTIGO 6.- No ámbito internacional, a Federación Galega de Triatlón e Pétatlon Moderno participará en competicións de acordo co que establezan as disposicións vixentes.

CAPITULO II

REQUISITOS PARA SER MEMBRO DA FEDERACIÓN GALEGA DE TRIÁTLÓN E PENTATLÓN MODERNO

ESTATUTO, DEREITOS E DEBERES DOS SEUS AFILIADOS

Sección Primeira.- DOS FEDERADOS



ARTIGO 7.- Adquisición da condición de federado. A condición de federado mediante a concesión da licenza pola Federación Galega de Triatlón e Pétatlon Moderno.

Poden ser titulares dunha licenza deportiva: os deportistas, técnicos, adestradores, xuices, entidades deportivas e calquera outro estamento

A licenza outorga o seu titular a condición de membro desta Federación, e habilita para participar en actividades deportivas e/ou en competicións oficiais de ámbito autonómico.

ARTIGO 8.- Licencias deportivas. As licencias deportivas serán expedidas por esta Federación, unha vez verificado o cumprimento dos correspondentes requisitos.

Será obligatoria a licenza deportiva para quen practique as modalidades deportivas reguladas pola Federación Galega de Triatlón e Pétatlon Moderno

O prezo da licenza será aprobado anualmente pola Asemblea.

Toda licenza deportiva leva incluído un seguro acorde co establecido no R.D. 849/1993, de 4 de xuño polo que se determinas as prestacións mínimas do seguro obligatorio deportivo.

ARTIGO 9.- Perda da condición de federado. A perda da condición de federado prodúcese cando deixan de concurrir os requisitos para o outorgamento da licenza.

Tamén se perde a condición de federado pola comisión de infraccións que leven aparellada como sanción a privación temporal ou definitiva da licenza federativa

Sección Segunda.- CLUBS

ARTIGO 10.- Son Clubs de Triatlón e Pétatlon Moderno as asociacións con personalidade xurídica e capacidade de obrar que teñan por obxecto o fomento e a práctica do Triatlón e Pétatlon Moderno, e estean afiliados á Federación Galega de Triatlón e Pétatlon Moderno.

Para afiliarse á Federación Galega de Triatlón e Pétatlon Moderno, o Club ou entidade deberán solicitalo por escrito acompañando copia dos seus estatutos. Tamén deberán afiliarse á Federación Galega de Triatlón e Pétatlon Moderno as asociacións de Clubs que poidan crearse e sempre coma trámite previo para a asunción de competencias expresamente delegadas pola Federación. Os acordos tomados polas Asociacións no uso de dita delegación deberán ser notificados á Federación dentro do prazo de 10 días seguintes á data da súa adopción.

Tódolos Clubs e Entidades afiliadas á Federación Galega de Triatlón e Pétatlon Moderno estarán sujetos ás Normas e disposicións emanadas dista, contribuirán o cumprimento das

distintas finalidades dun xeito harmónico e activo, baixo os principios democráticos dos presentes Estatutos e participarán nas distintas actividades.

ARTIGO 11.- Son dereitos dos Clubs os seguintes:

1. Intervir na elección dos Órganos de Goberno e Representación das Federacións Galegas de Tríatlon e Pétatlon Moderno.
2. Participar cos seus equipos nas competicións oficiais que lle correspondan pola súa categoría, nos termos e observando os requisitos que establezan as bases de competición correspondentes.
3. Asistir e intervir nas reunións dos órganos federativos que lle correspondan con arranxo ás normas vixentes.
4. Optar ás axudas económicas que estableza a Federación Galega de Tríatlon e Pétatlon Moderno para os Clubs, na medida e ocasións que determinen as correspondentes normas.
5. Asociarse para o cumprimento dos seus fins.
6. Fusionarse cos requisitos que regulamentariamente poidan establecerse no desenvolvemento dos presentes Estatutos.
7. Tódolos demais que a Federación Galega de Tríatlon e Pétatlon Moderno estableza en cada caso.



ARTIGO 12.- Son obrigas dos Clubs, as seguintes:

1. Participar cos seus equipos nas Competicións oficiais que lle correspondan pola súa categoría, nos termos e observando os requisitos que regulamentariamente se determinen, así coma os que estableza a Federación Galega de Tríatlon e Pétatlon Moderno, debendo fixar a súa sede oficial no ámbito territorial da Comunidade Autónoma de Galicia.
2. Cumprir os Estatutos. Regulamentos e demais normas da Federación Galega de Tríatlon e Pétatlon Moderno, así como os seus propios Estatutos.
3. Contribuír ó sostemento económico da Federación Galega de Tríatlon e Pétatlon Moderno na medida que lles corresponda. abondo as correspondentes cotas, dereitos e compensacións económicas que se determinen.
4. Aboar os dereitos de arbitaxe que segundo as normas federativas lle correspondan, así como liquidar dentro de cada tempada as débedas contraídas coas federacións Galegas ou Zonais, cos seus xogadores, ou técnicos e con outros Clubs no transcurso da competición.
5. Manter a disciplina deportiva evitando situacións de violencia ou animosidade con outros membros ou estamentos do Tríatlon e Pétatlon Moderno.
6. Cumprimentar, atender e contestar coa maior diligencia, as comunicacións que reciban dos organismos federativos, e auxiliar a estes facilitándolles cants datos precisen.
7. Non impedir a asistencia dos deportistas e técnicos ás seleccións autónomas e ás actividades federativas de perfeccionamento técnico.
8. Coidar da mais perfecta formación deportiva dos deportistas, proporcionándolles os medios precisos para iso e garantindo a súa efectiva e plena actividade deportiva.
9. Contar cun adestrador oficialmente titulado.
10. Recoñecer a tódolos efectos as tarxetas de identidade expedidas pola Federación Galega de Tríatlon e Pétatlon Moderno.



11. Comunicar á Federación Galega de Tríatlon e Pétatlon Moderno as modificacións estatutarias, o nomeamento e cese de directivos ou administradores, e os acordos de fusión, escisión e disolución nos prazos establecidos.

12. Coñecer e divulgar, entre os seus deportistas os estatutos e normas deportivas das Federacións Galega e Espanola de Tríatlon e Pétatlon moderno.

ARTIGO 13.- Regulamentariamente, en desenrolo dos presentes Estatutos, determinarase o modo e a forma en que se exercitarán e cumplirán os dereitos e deberes que quedan relacionados así coma o que atinxe a clasificación dos Clubs por categorías, cambios de residencia dos mesmos, fusións e baixas.

Sección Terceira.- COMPETIDORES



ARTIGO 14.- Ós efectos dos presentes estatutos, son triatletas aquelas persoas naturais que practican o Tríatlon e Pétatlon Moderno nun Club afiliado á Federación Galega de Triatlón e Pétatlon Moderno, e subscriben a licenza regulamentaria. Coa firma da mencionada licenza queda vinculado o seu Club e suxeito á disciplina da Federación, quedando toda a organización desta última ó seu servizo.

Os triatletas contribuirán ó cumprimento das distintas actividades dun xeito activo e harmónico sobre os principios democráticos dos presentes Estatutos, e participarán nas distintas actividades.

ARTIGO 15.- Para poder subscribir unha licenza coma triatleta deberanse cumplir os seguintes requisitos:

1. Ser español.
2. Non ter compromiso vixente con ningún outro Club.

A condición de ser Español poderá ser dispensada pola Federación Galega de Triatlón e Pétatlon Moderno, con carácter excepcional, de forma permanente ou temporal, nos seguintes casos:

1. Cando un triatleta teña que actuar en competición de amizade .
2. Ou cando o triatleta só vaia actuar en competicións internacionais de Clubs, para as que a regulamentación da Federación admite a súa inscrición.
3. Cando o triatleta vaia actuar en competicións organizadas pola Federación Galega de Triatlón e Pétatlon Moderno, nas que a asemblea desta Federación dispuxese expresamente esta condición.

ARTIGO 16.- O competidor ten os seguintes dereitos:

1. Liberdade de subscribir licenza. respectando os dereitos adquiridos.
2. Participar en cantas probas. cursos, fases de preparación, seleccións ou outro tipo de concentración, sexa convocado pola Federación Galega de Triatlón e Pétatlon Moderno.
3. Participar nas eleccións ós Órganos de Goberno e representación da Federación Galega de Triatlón e Pétatlon Moderno.



4. Ser recoñecido modicamente polo seu Club, de acordo coas directrices determinadas pola Federación Galega de Tríatlon e Pétatlon Moderno, e por esta unicamente cando se trate de selección ou concentracións organizadas pola mesma.
5. Ser adestrado por técnico titulado.
6. Consideración á súa actividade deportiva.
7. Recibir material deportivo para a práctica do Tríatlon e Pétatlon Moderno.
8. Recibir atención sanitaria gratuita e adecuada en caso de lesión deportiva, ben por atención directa do seu Club ou a través dos concertos, voluntarios e obligatorios, que no mesmo teña coa Mutualidade Xeral Deportiva ou outra entidade pública ou privada.
9. Participar nas sesións de adestramento e nas probas co seu equipo, salvo decisión disciplinaria.



ARTIGO 17.- O deportista ten as seguintes obrigas:

1. Someterse á disciplina do seu Club, sempre e cando a mesma se axuste ó disposto no Ordenamento xurídico e participar nos adestramentos e probas co seu equipo.
2. Non intervir nas actividades deportivas con equipo distinto ó seu, sen autorización do club.
3. Utilizar, coidar e, cando sexa requirido para facelo, devolver o material deportivo que o Club lle entregara a tal fin.
4. Asistir ás probas e cursos ós que sexa convocado pola Federación Galega de Tríatlon e Pétatlon Moderno.
5. Participar nas Seleccións Galegas para as que sexa convocado.
6. Coñecer os estatutos e regulamentos deportivos da Federación Galega de Tríatlon e Pétatlon moderno e da Federación Española de Tríatlon e Pétatlon Moderno.

ARTIGO 18.- Así mesmo, os deportistas de Tríatlon e Pétatlon Moderno poderán asociarse para a defensa dos seus intereses relacionados có Tríatlon e Pétatlon Moderno, nos termos que estableza, ou poida establecer a normativa vixente.

Tales Asociacións poderán exercer por delegación, competencias da Federación Galega de Tríatlon e Pétatlon Moderno, para o cal deberán afiliarse á mesma, Os acordos tomados pola Asociación no uso de devandita delegación, deberán ser notificadas á Federación Galega de Tríatlon e Pétatlon Moderno dentro do prazo de dez días seguintes á data da súa adopción.

ARTIGO 19.- Regulamentariamente en desenrollo dos presentes Estatutos, determinarase o xeito e forma en que se exercitarán e cumplirán os dereitos e deberes que quedan relacionados, así como as materias atinentes á relación entre Clubs e deportistas, categorías destes, licencias, baixas e cambios.

Sección Cuarta.- ADESTRADORES

ARTIGO 20.- Son adestradores as persoas naturais con título recoñecido pola Federación Galega de Tríatlon e Pétatlon Moderno, dedicadas ó ensino, preparación e dirección técnica do Tríatlon e Pétatlon Moderno, tanto a nivel de Clubs como da propia Federación.



Os títulos de adestradores serán expedidos polo organismo competente.

Tódolos adestradores inscritos estarán sometidos ás Normas e Disposiciones da Federación Galega de Tríatlon e Pétatlon Moderno, contribuirán ó cumprimento das distintas finalidades dun xeito activo e harmónico sobre os principios democráticos dos presentes Estatutos, e participarán nas distintas actividades.

ARTIGO 21.- Para actuar ó fronte dun equipo, o adestrador, ademais de ter o título correspondente, deberá estar en posesión da licenza anual expedida pola Federación Galega de Tríatlon e Pétatlon Moderno, que o vinculará a un ou varios equipos determinados.

ARTIGO 22.- O adestrador ten os seguintes dereitos:

1. Liberdade para subscribir licenza, de acordo coas normas establecidas e co respecto ós dereitos adquiridos.
2. Participar na elección dos Órganos de Goberno e Representación da Federación Galega de Tríatlon e Pétatlon Moderno
3. Asistir ás probas e cursos de preparación ós que sexa convocado pola Federación Galega de Tríatlon e Pétatlon Moderno, sen prexuízo das obrigas para co seu Club.
4. Recibir as prestacións da Mutualidade nos casos de cobertura previstos.
5. Recibir o material deportivo preciso para a súa actividade.



ARTIGO 23.- O adestrador ten as seguintes obrigas:

1. Someterse á disciplina das entidades deportivas ás que se vexta vinculado pola licenza.
2. Non intervir ea actividades deportivas con equipo distinto ó seu, sen autorización do Club.
3. Utilizar, coidar e, cando sexa mester, devolver o material deportivo que o Club lle facilitase.
4. Asistir ás probas e cursos ós que sexa convocado pola Federación.
5. Coñecer estatutos e regulamentos da Federación Galega de Tríatlon e Pétatlon Moderno da Federación Española de Tríatlon e Pétatlon Moderno.

ARTIGO 24.- Os adestradores de Tríatlon e Pétatlon Moderno poderán asociarse para a defensa dos seus intereses relacionados có Tríatlon e Pétatlon Moderno nos termos que establece, ou poida establecer, a normativa vixente.

Tales Asociacións poderán exercer por delegación competencias da Federación Galega de Tríatlon e Pétatlon Moderno, para o cal deberán afiliarse á mesma. Os acordos tomados polas Asociacións en uso de dita delegación deberán ser notificados á Federación Galega de Tríatlon e Pétatlon Moderno dentro do prazo de dez días seguintes á data da súa adopción.

ARTIGO 25.- Regulamentariamente, en desenvolvemento dos presentes Estatutos, determinarase o xeito e forma en que se exercitarán e cumplirán os dereitos e deberes que quedan relacionados, así como as materias atinentes á categoría, titulacións, licencias, cambios, altas e baixas.

Sección Quinta.- XUÍCES E CRONOMETRADORES



ARTIGO 26.- Son xuíces as persoas naturais que subscribisen a correspondente licenza federativa; coiden do cumprimento do Regulamento Oficial e demais normas de aplicación durante as probas, ostentando a máxima autoridade durante o desenrolo das probas.

Tódolos xuíces inscritos no Comité Galego de Xuíces estarán sometidos ás normas e disposicións da Federación Galega de Tríatlon e Pétatlon Moderno, contribuirán ó cumprimento das distintas finalidades dun xeito activo e harmónico sobre os principios democráticos dos presentes Estatutos, e participarán nas distintas actividades.

ARTIGO 27.- Para que o xuíz poida subscribir licenza federativa deberá reunir os seguintes requisitos:

1. Ser español. Este requisito poderá ser dispensado pola Federación Galega de Tríatlon e Pétatlon Moderno para determinados supostos.
2. Ser maior de catorce anos.
3. Posuér titulo oficial de xuíz recoñecido pola Federación Galega de Tríatlon e Pétatlon Moderno.

ARTIGO 28.- Son dereitos dos Xuíces.

1. Asistir ás probas e cursos de perfeccionamento ou divulgación ós que sexa convocado pola Federación Galega de Tríatlon e Pétatlon Moderno.
2. Recibir as prestacións da Mutualidade nos casos de cobertura previstos.
3. Percibir cantidades que se establezan nas bases de Competición.
4. Ser clasificado nunha das categorías que se establezan pola Federación Galega de Tríatlon e Pétatlon Moderno.
5. Participar na elección dos Órganos de Goberno e Representación da Federación Galega de Tríatlon e Pétatlon Moderno.



ARTIGO 29.- Son obrigas dos xuíces:

1. Someterse á disciplina da Federación Galega de Tríatlon e Pétatlon Moderno. á do Comité Galego de Xuíces e ás dos seus Comités Zonais.
2. Asistir ás probas e cursos ós que sexa convocado pola Federación Galega de Tríatlon e Pétatlon Moderno.
3. Asistir e exercer as súas funcións nas carreiras para as que sexan designados.
4. Coñece-lo Regulamento da Federación Galega de Tríatlon e Pétatlon Moderno.

ARTIGO 30.- Regulamentariamente, en desenrrolo dos presentes Estatutos, determinarase o xeito e forma en que se exercitarán os dereitos e deberes que quedan relacionados, así como as materias atinentes á titulación, licencias e clasificación por categorías.

ARTIGO 31.- Tamén se redactará un Regulamento Xeral de Premios e recompensas, aplicable no territorio da Federación Galega de Tríatlon e Pétatlon Moderno, no que constarán as súas categorías e sistema de concesión, divididos en ordinarios e extraordinarios. Os primeiros de carácter anual, a fin de servir de exemplo e acicate ós diversos estamentos de Tríatlon e Pétatlon Moderno galego. Os segundos para distinguir feitos excepcionais.



CAPITULO III

ÁMBITO XURISDICCIONAL

ARTIGO 32.- Estarán sometidos á disciplina da Federación Galega de Tríatlon e Pétatlon Moderno tódolos seus directivos e funcionarios, tódalas Federacións Zonais, os competidores, adestradores, Delegados de equipo e asimilados, Clubs, Asociacións ou Agrupacións, Comités. Xuíces e, en xeral toda persoa ou Entidade que teña relación coa práctica do Tríatlon e Pétatlon Moderno.

Cando actúen en actividades de ámbito español ou internacional estarán sometidos ó que determinen os estatutos, Regulamentos, Bases, Normas e Disposicións da Federación Española de Tríatlon e Pétatlon Moderno, da E.T.U., da I.T.U. ou da UIPM, segundo corresponda.

ARTIGO 33.- Os organismos e entidades dependentes da Federación Galega de Tríatlon e Pétatlon Moderno rexeranse polas súas propias Normas e Regulamentos, subordinadas a este Estatuto e ó resto das disposicións federativas e vixentes limitando a súa total competencia ó ámbito que teñen asinado. Todas estas normas e regulamentos serán propostos pola Xunta Directiva da Federación Galega de Tríatlon e Pétatlon Moderno á Asemblea Xeral para a súa aprobación, sendo dados a coñecer ós organismos superiores para a súa homologación.

CAPÍTULO IV

ORGANIZACIÓN TERRITORIAL.



ARTIGO 34.- A Federación Galega de Tríatlon e Pétatlon Moderno ten plena competencia no territorio da Comunidade Autónoma de Galicia.

ARTIGO 35.- A Federación Galega de Tríatlon e Pétatlon Moderno estará integrada en si por catro Delegacións Provinciais.

Para unha mellor organización e cumprimento dos seus fins, a Asemblea Xeral de acordo co sentir e as posibilidades de cada zona, poderá dividir o territorio galego nas demarcacións que sexan necesarias.

ARTIGO 36.- Tamén se poderán crear unidades de ámbito xeográfico inferior, denominadas delegacións comarcais, dependentes das Delegacións Provinciais, para mellor desenrollo e promoción do Tríatlon e Pétatlon Moderno en cada zona, sempre por acordo da Xunta Directiva da Federación Galega de Tríatlon e Pétatlon Moderno, a proposta de cada Delegación Provincial, pero metendo as actuais e sempre que con iso se consiga unha maior organización das competencias.

ARTIGO 37.- As Delegacións Provinciais e no seu caso as Delegacións Comarcais, axustarán a súa actividade ás normas ditadas pola Federación Galega de Tríatlon e Pétatlon Moderno a través dos órganos que corresponda, e directamente do seu Presidente/a.



ARTIGO 38.- Os titulares das Delegacións Provinciais serán nomeados e cesados polo Presidente/a da Federación Galega, de acordo co artigo 51 dos presentes Estatutos.

A composición do equipo directivo da Delegación Provincial e Delegación Comarcal, así como as competencias dos mesmos, serán de libre facultade do titular da federación zonal ou delegación comarcal, o cal dará conta ó Presidente/a da Federación Galega.

TITULO II

ÓRGANOS DE GOBIERNO E REPRESENTACIÓN

CAPITULO I

NORMAS XERAIS



ARTIGO 39.- Son órganos de goberno e representación da Federación Galega de Triatlón e Pétatlón Moderno, a Asemblea Xeral e o Presidente/a.

No seo da Asemblea Xeral constituirase unha Comisión Delegada de asistencia á mesma.

ARTIGO 40.- Serán órganos electivos da Federación Galega o Presidente/a, a Asemblea Xeral e a Comisión Delegada no eido das súas respectivas competencias

Os membros dos demais órganos e comités, serán designados e revocados libremente polo Presidente/a, coa excepción prevista no presente Estatuto.

O nomeamento e renovación dos órganos de goberno e representación, dos órganos complementarios, e dos comités que poidan crearse dentro da Federación, deberán ser comunicados a tódolos membros da Asemblea Xeral e á Dirección Xeral para o Deporte ou órgano competente, nun prazo máximo de 15 días a partir da data do nomeamento.

Os órganos de goberno e representación reuniránse no xeito e termos establecidos nestes Estatutos e os seus acordos, salvo disposición expresa en contrario, adoptaranse por maioria simple: no caso de empate o Presidente/a terá voto de calidad. Os acordos poderán ser impugnados de conformidade co disposto na lexislación aplicable e nos presentes Estatutos.

A responsabilidade dos membros dos Órganos da Federación Galega de Triatlón e Pétatlón Moderno no exercicio das súas funcións será esixida no eido disciplinario de conformidade co disposto na Lei 3/2012 do Deporte de Galicia e as súas normas de desenvolvemento.

Son requisitos xerais para ser membro de calquera órgano da Federación Galega de Triatlón e Pétatlón Moderno, os seguintes:

1. Ter a condición de cidadán de Galicia, segundo o disposto no artigo 3 da Lei Orgánica 1/81, de 6 de abril. do Estatuto de Autonomía de Galicia.
2. Ser maior de idade e estar en pleno uso des seus dereitos civís
3. Non estar suxeito á corrección disciplinaria de carácter deportivo que supoña inhabilitación.
4. Non ter sido condenado mediante sentencia penal firme que levara anexa pena principal ou accesoria de inhabilitación absoluta para cargo público.
5. Non estar incurso en causa algunha de incompatibilidade establecida legal ou estatutariamente.
6. Reunir os requisitos específicos propios de cada estamento deportivo

CAPITULO II

A ASEMBLEA XERAL

Sección Primeira: Natureza, Composición, Nomeamento e Cese

ARTIGO 41.- A Asemblea Xeral é o Órgano superior de goberno e representación da Federación Galega de Triatlón e Pétatlón Moderno.



ARTIGO 42.- A Asemblea Xeral estará constituída polo Presidente/a da Federación Galega e polos representantes dos Clubs, entidades deportivas, deportistas, técnicos adestradores, árbitros e outros colectivos.

Os Clubs e entidades deportivas non poderán ser membros da Asemblea Xeral se, no momento da convocatoria de eleccións non figuraren inscritos no Rexistro Xeral de Clubs, Federacións e entidades deportivas da Xunta de Galicia.

Os componentes da Xunta Directiva, por esa soa consideración poderán asistir ás reunións da Asemblea, con voz, pero sen voto.

ARTIGO 43.- A Asemblea Xeral estará integrada polos seguintes membros:

- Por representantes de Clubs e entidades deportivas. O número de representantes dos Clubs non superará o 70% dos membros da Asemblea Xeral.
- Por deportistas, un número de representantes que supoña entre o 15% e o 20 % da Asemblea Xeral.
- Polos estamentos técnicos, xuices e árbitros: unha representación total dos dous entre o 5% e o 10%.
- Polos estamentos organizadores, unha representación non superior o 5%.

Haberá un número de clubes natos na Asamblea Xeral, que será de catro ou dez, segundo o censo total dos mesmos sexa inferior ou superior a 15 clubes. Os membros natos no estamento de clubes serán os que teñan maior número de licencias e maior número de participacións a partes iguais.

ARTIGO 44.- A convocatoria de eleccións deberá indicar expresamente o número de membros da Asemblea Xeral e o número de cada un dos seus estamentos.

ARTIGO 45.- Os membros da Asemblea Xeral e da Comisión delegada cesarán polas seguintes causas:

1. Finar.
2. Disolverse o Club ou entidade á que representen.
3. Expirar o mandato para o que foron elixidos.
4. Renunciar ou dimitir.
5. Estar incurso en causa de inelixibilidade ou incompatibilidade legal ou estatutaria.



6. Recibir sanción disciplinaria imposta regulamentariamente que implique o cese no cargo que ostenta.
7. Perder os requisitos polos que foron elixidos no seu respectivo estamento.

ARTIGO 46.- As vacantes que se produzan na Asemblea Xeral antes das seguintes eleccións xerais á mesma, serán cubertas, dentro de cada estamento e de forma sucesiva polos candidatos que no proceso electoral acadasen maior número de votos despois dos que resultaron electos e, a falta destes, mediante a realización de eleccións parciais, sempre que, neste último caso, as vacantes en algúns estamentos superen o 20% dos membros.

Os elixidos para ocupá-las vacantes a que se refire o apartado anterior ostentarán o seu mandato polo tempo que falte para a celebración das seguintes eleccións xerais.

Sección Segunda: Réxime de funcionamento



ARTIGO 47.- COMPETENCIAS. A Asemblea Xeral, en canto órgano máximo de goberno e representación da Federación Galega, pode adoptar calquera acordo ou decisión sobre a mesma, someténdose ás regras de competencia e procedemento:

Especialmente son competencias da Asemblea Xeral as seguintes:

1. Modificar os presentes Estatutos e aprobar os Regulamentos que sexan necesarios para o desenvolvemento e organización da Federación.
2. Elixir mediante sufraxio libre, igual, directo e secreto, ó Presidente/a e á Comisión Delegada da Federación Galega así como o cese e a moción de censura ó Presidente/a.
3. A aprobación dos orzamentos e a su liquidación.
4. Resolver as propostas que en forma sexan presentadas á Asemblea.
5. Aprobar os programas e calendarios deportivos anuais a desenrolar pola Federación Galega, así como as Bases e Regulamentos que rexerán as competicións.
6. Aprobar a creación de órganos territoriais da Federación Galega.
7. Aprobar o Regulamento de Eleccións á Asemblea, Presidente/a e Comisión delegada da Federación Galega.
8. Aprobación do Regulamento de disciplina Deportiva.
9. Calquera outra competencia da Federación Galega que non estea expresamente atribuída polos presentes Estatutos a outro órgano.
- 10.- Incoar expedientes e aprobar as sancións oportunas segundo os estatutos.

ARTIGO 48.- As reunións da Asemblea Xeral axustaranse ó seguinte réxime:

A) Asemblea Xeral reunirase unha vez ó ano necesariamente antes de comezar a nova tempada deportiva, en sesión ordinaria para os fins da súa competencia e, como mínimo, para a aprobación do novo orzamento, aprobación do calendario deportivo e das bases e regulamentos que rexerán a competición e para a aprobación da memoria de actividades anuais. O novo presuposto e a memoria deberá ser aprobado durante o derradeiro trimestre do exercicio económico, e remitilo á administración deportiva da Xunta de Galicia no prazo de un mes desde a súa aprobación.



Asemesmo reunirase en sesión ordinaria para la liquidación do orzamento da tempada anterior.

A Asemblea Xeral, será convocada polo Presidente/a da Federación Galega a iniciativa propia ou a instancia razoada da cuarta parte dos seus membros cun mínimo de trinta días naturais de antelación á data da súa celebración, no taboleiro de anuncios da Federación Galega, así como nas Delegacións Provinciais e, no seu caso, Delegacións Comarcais, debendo incluir necesariamente os puntos da orde do día a tratar. En todo caso, notificarase individualmente a cada un dos membros da Asemblea por calquera método que permita ter constancia da data de recepción da mesma, cunha antelación mínima de 48 horas; a notificación efectuarase á dirección que conste na Federación Galega 30 días antes da data de convocatoria, de xeito ordinario.

Os defectos formais na convocatoria non dará lugar á nulidade da Asemblea sempre e cando os membros da mesma recibisen a convocatoria coa orde do día no prazo establecido. En todo caso a Asemblea será válida, sen necesidade de ningún outro requisito, sempre e cando concorran á mesma a totalidade dos membros.



B) As demais reunións da Asemblea Xeral terán carácter de Extraordinarias e serán convocadas:

b1) Polo Presidente/a, con 15 días de antelación.

b2) A proposta de polo menos o 25% dos membros da Asemblea, cos mesmos requisitos previstos para a Asemblea Ordinaria. Presentada a solicitude de convocatoria por un número de membros suficiente, o Presidente/a deberá convocala necesariamente no prazo de dez días naturais seguintes. Desde a convocatoria ata a data de celebración da Asemblea non podarán transcorrer máis de vinte días naturais. Na solicitude deberán indicarse os puntos que comorán a orde do día. A convocatoria non poderá conter ningún outro punto distinto ós da solicitude.

C) A Asemblea quedará validamente constituída cando concorran á primeira convocatoria a metade máis un dos seus membros, ou na segunda convocatoria, que terá lugar media hora máis tarde, calquera que sexa o número de membros asistentes.

D) A Asemblea Xeral será presidida polo Presidente/a da Federación Galega de Tríatlon e Pétanque Moderno ou quen o substitúa, e actuará como Secretario/a o que o sexa da Federación Galega. Os acordos adoptaranse por maioría simple. No caso de empate será decisivo o voto do Presidente/a. Sen embargo, cando se trate de decisións sobre merca ou enaxenación de bens inmóbiles ou operacións económicas que supoñan un 25% máis do orzamento da Federación Galega, así como a modificación dos presentes Estatutos, será precisa a maioría dos dous terzos dos seus membros.

Os efectos de cómputo de *quorums* e maiorías, cando estes se conformen co número inexacto de asembleístas, computaranse sempre por exceso e con referencia ó número daqueles efectivamente existentes como membros da Asemblea, descontadas as vacantes.

ARTIGO 49.- Non será admisible de modo algúnn para a formación da vontade dos órganos colegiados da Federación Galega, nin para o establecemento do seu *quórum*, o voto por correo nin a delegación do voto; sendo polo tanto precisa a presenza física dos seus membros. Exceptúanse as eleccións dos membros da Asemblea Xeral, se así se aprobase no Regulamento Electoral.

En representación dos Clubs acudirá o seu Presidente/a ou persoa na que se delegue documentalmente.

Ninguén poderá ostentar na Asemblea Xeral máis dunha delegación de ótros.



ARTIGO 50.- As votacións no seo da Asemblea realizaranse na forma e pola orde que estableza a Presidencia, sendo esta a que decidirá si serán ordinarias, nominais ou secretas. Se polo menos o 25% dos asistentes solicita unha modalidade determinada, a forma de votación decidirase por maioría simple dos membros da Asemblea Xeral.

ARTIGO 51.- De tódolos acordos adoitados en Asemblea Xeral ou Comisión Delegada levantarase acta polo Secretario/a das mesmas, especificando o nome das persoas intervenientes e demais circunstancias que se consideren oportunas, o contido dos acordos adoitados, resultados das votacións e, no seu caso, os votos particulares contrarios ó acordo.

ARTIGO 52.- Os acordos da Asemblea Xeral e da Comisión Delegada serán vinculantes e de obrigado cumprimento para a totalidade dos órganos, persoas e entidades que integran a Federación Galega, e terán forza executiva a partir da data da súa adopción.

CAPITULO III COMISIÓN DELEGADA



ARTIGO 53.- No seo da Asemblea Xeral deberá constituírse unha Comisión Delegada que terá carácter electivo e será un órgano de goberno e representación da Federación.

A Comisión Delegada será elixida pola Asemblea Xeral na primeira reunión que esta celebre despois da súa constitución, mediante sufraxio entre os membros da mesma. O seu mandato coincidirá co da Asemblea Xeral.

O Presidente/a da Federación convocará á Comisión Delegada, que se reunirá como mínimo cada catro meses para os fins das súas competencias e, polo menos, para realizar o seguimento da xestión deportiva e económica da Federación.

Son competencias da Comisión Delegada:

- a) A elaboración dun informe previo á aprobación dos orzamentos.
- b) A modificación dos calendarios deportivos.
- c) A modificación dos orzamentos e dos regulamentos.
- d) O seguimento da xestión económica e deportiva da Federación.

As modificacións non poderán exceder os límites e criterios que a propia Asemblea Xeral estableza.

A proposta dos temas a tratar na Comisión corresponde exclusivamente ó Presidente/a ou ós dous terzos dos seus integrantes.

CAPÍTULO IV O PRESIDENTE/A

ARTIGO 54.- O Presidente/a da Federación Galega de Triatlón e Pétatlón Moderno é o Órgano executivo da mesma. Ostenta a súa representación legal, convoca e preside os órganos de goberno e representación, executando os seus acordos. Outorga os poderes de representación e administración que sexan precisos e ostenta a Dirección superior da Administración federativa.



O Presidente/a da Federación Galega, nomeará e cesará ós membros dos órganos xurisdicionais da Federación Galega, así coma ós Presidente/as das Delegacións Provinciais e do Comité Galego de Xuíces, ó Delegado Técnico ou Seleccionador, así coma ó persoal á servizo da Federación.

ARTIGO 55.- A duración do cargo de Presidente/a será de catro anos.

No caso de que, excepcionalmente, quede vacante a Presidencia antes de que transcorra o prazo para o que fose elixido, considerarase dimisionaria toda a Xunta Directiva, constituíndose a Comisión Delegada na Comisión Xestora, presidida polo membro de maior idade. Convocará á Asemblea Xeral e esta acordará unha nova elección de Presidente/a para cubrir a vacante polo tempo que falte ata a terminación do prazo correspondente ó mandato ordinario. Se a vacante se produce por prosperar unha moción de censura, estarase ó disposto no artigo 58 destes Estatutos.



ARTICO 56.- O desempeño do cargo de Presidente/a será incompatible coas seguintes actividades:

- a) Ocupación de cargos directivos noutras Federacións Deportivas; exceptúase a Federación Española da mesma modalidade deportiva.
- b) Desenrollo de actividades ou desempeño de cargos en Clubs ou entidades deportivas integradas na Federación Galega.
- c) A persoa que resulte elixida como Presidente/a da Federación Galega deberá cesar en todo tipo de actividades directivas e técnicas no deporte de Tríatlon e Pétatlon Moderno e no ámbito territorial da Federación.

Non existirá incompatibilidade, en ningún caso, coa práctica activa do Tríatlon ou Pétatlon Moderno .

Para ser Presidente non será preciso ser membro da Asamblea da Federación.

ARTIGO 57- O Presidente/a cesara por:

- a) Transcurso do mandato para o cal foi elixido.
- b) Dimisión.
- c) Incapacidade física ou psíquica para continuar no o exercicio do seu cargo.
- d) Aprobación dunha moción de censura pola Asemblea Xeral, que sera construtiva.
- e) Por incorrer en causa de inelixibilidade ou incompatibilidade. Neste último caso disporá do prazo dun mes para cesar no posto que resulte incompatible co do Presidente/a.

ARTIGO 58.- A moción de censura ó Presidente/a poderá ser presentada polos membros da Asemblea Xeral que constitúan polo menos un 25% da mesma, mediante escrito presentado no Rexistro Xeral da Federación Galega de Tríatlon e Pétatlon Moderno. Na devandita petición deberan solicitar do Presidente/a a convocatoria dunha Asemblea Xeral Extraordinaria coa devandita moción como único punto da Orde do día así como proponer un candidato alternativo á Presidencia.

En caso de prosperar a moción de censura, que se votará nun sistema de dobre volta, debendo acadar a maioría absoluta de membros que componen a Asemblea na primeira volta, ou a maioría simple de asistentes na segunda, celebradas cunha hora de diferenza, o candidato quedará investido, cun mandato polo prazo que reste para concluir o período ordinario.



Para a convocatoria da Asemblea Xeral Extraordinaria estará ó disposto no artigo 48 dos presentes Estatutos. A sesión da Asemblea Xeral en que se debata a moción de censura estará presidida polo membro de maior idade. Non será válido o voto por correo nin a asistencia por representación.

Se a moción de censura non prosperase, non poderá presentarse outra nova ata transcorrido un ano dende a presentación desta.

TÍTULO III

ÓRGANOS COMPLEMENTARIOS ÓS DE GOBERNO E REPRESENTACIÓN



ARTIGO 59.- Son órganos complementarios dos de governo e representación da para asistir ó Presidente/a:

- a) A Xunta Directiva.
- b) O Secretario/a Xeral.
- c) O Tesoureiro.

ARTIGO 60.- 1.- A Xunta Directiva é o órgano colexiado a quien corresponde a xestión e administración da Federación Galega, así como a execución e cumprimento dos acordos da Asemblea. O número dos seus membros non poderá ser inferior a 5 nin superior a 15. Os membros da Xunta Directiva serán nomeados e revocados libremente polo Presidente/a.

O Presidente/a elixirá entre os membros da súa Xunta Directiva un máximo de dous Vicepresidente/as que o serán tamén da Federación, os cales substituirán o Presidente/a por delegación, imposibilidade física ou ausencia temporal: un Secretario/a, que á vez o será da Federación, así como un Tesoureiro. Tales cargos, baseados na confianza, poderán ser removidos polo Presidente/a cando o considere mester.

Serán membros natos da Xunta Directiva da Federación, salvo renuncia expresa, os Presidente/as das Delegacións Provinciais. en que se estrutura a Federación Galega, e o Comité Galego de Xuíces.

Os membros da Xunta Directiva que non o sexan da Asemblea Xeral, terán acceso á mesma, con voz pero sen voto.

Tódolos cargos son honoríficos e, no caso de establecerse algúna compensación económica a favor dos membros da Xunta Directiva, deberá ser expresamente acordada por maioría absoluta pola Asemblea Xeral e constar dunha forma diferenciada no Orzamento Xeral. En ningún caso, a compensación económica poderá ser satisfeita con cargo ás subvencións públicas que reciba a Federación Galega.

2.- O Presidente/a da Federación nomeará un Secretario/a, o cal exercerá as funcións de feudatario e asesor, e máis especificamente de:

- a) Levantar actas das sesións dos órganos de governo e representación da Federación con indicación dos asistentes, temas tratados, o resultado das votacións e no seu caso, os votos particulares contrarios ó acordo adoitado.



- b) Expedir as certificacións oportunas das actas dos órganos de goberno e representación.
- c) Remitir á Secretaria Xeral para o Deporte, as actas da Asemblea Xeral e da Comisión Delegada no prazo de 15 días desde a data da súa celebración, así como as convocatorias das mesmas.
- d) Proporcionar toda a información precisa ós órganos de goberno e representación da Federación, para o bo desenrolo das súas misións. Preparar a memoria anual das actividades realizadas e levar os Libros de Actas, Rexistro de Entradas e Saídas e Rexistro de Clubs e Entidades afiliadas.
- e) Custodia das actas e arquivos da Federación.
- f) Control e fiscalización interna da xestión económico financeira e orzamento, así coma a contabilidade e tesourería no caso de non existir a figura de tesoureiro.
- g) Cantas outras funcións lle poidan ser encomendadas polos Estatutos e Regulamentos da Federación ou lle sexan delegadas polo Presidente/a.

3.- O Tesoureiro/a da Federación Galega é o órgano da administración da mesma.

Como funcións propias exercerá as seguintes:

- a) Levar e controlar a contabilidade da Federación Galega así como os Libros contables, segundo a Lexislación vixente.
- b) Cobrar e pagar todo o relacionado coa Federación.
- c) Regulamentar o aspecto económico e realizar a inspección económica de tódolos órganos da Federación.
- d) Propoñer a adquisición dos bens necesarios.
- e) Informar da situación dos asuntos pendentes e propor as medidas que considere precisas. Confeccionar o balance de contas e orzamentos anuais para a súa presentación á Asemblea Xeral.
- g) Elaborar e presentar informes a Comisión Delegada do estado contable Federación.
- h) Supervisar os pagos e toda clase de documentos bancarios.

ARTIGO 61.- Para ser membro da Xunta Directiva non será preciso formar parte da Asemblea Xeral.

ARTIGO 62.- Os membros da Xunta Directiva cesarán polas seguintes causas:

- a) Vacante na Presidencia da Federación, sen prexuízo da súa conversión na Comisión Xestora nos casos previstos nos Estatutos.
- b) Dimisión.
- c) Incapacidade física ou psíquica para continuar no exercicio do cargo.
- d) Por incorrer en causa de inelixibilidade ou incompatibilidade.
- e) Cesados directamente polo Presidente/a.

ARTIGO 63.- A Xunta Directiva, como órgano colaborador do Presidente/a, non terá competencias propias, exercerá por delegación aquellas que lle encomende o Presidente/a, as cales poderá revocar en calquera momento.



ARTIGO 64- Os asuntos ordinarios de trámite serán despachados polo Presidente/a e o Secretario/a.

ARTIGO 65.- Responsabilidade dos órganos de representación. Responsabilidade do Presidente e membros da Xunta Directiva da Federación Galega de Tríatlon:

1. Os Presidentes, membros das xuntas directivas ou dos órganos de dirección que puiden estatutariamente establecerse serán persoalmente responsables fronte á propia Federación, fronte os seus membros ou fonte a terceiros:

1.1.- Das obrigas contraídas pola Federación e que non teñan ou tivesen o adecuado respaldo contable, non figuren nas contas presentadas ou aprobadas, ou sexan obxecto dunha contabilización que non reflicte a natureza e alcance da obriga en cuestión, e que distorsione a imaxe fiel que debe producir aquela.

1.2.- Das obrigas contraídas contra a prohibición expresa de outros órganos federativos competentes ou da administración autonómica, así coma das obrigas que impliquen un déficit non autorizado ou fora dos límites da autorización.

2) A responsabilidade descrita no apartado anterior poderase esixir no caso de existencia de dolo ou culpa na actuación dos suxeitos responsables. En todo caso, quedarán exentos de responsabilidade aqueles que votaran en contra do acordo ou non interviran na súa adopción ou execución, ou aqueles que o descoñecieran ou, coñecéndo, se opuxeran expresamente.

3) A responsabilidade regulada no presente artigo e independente da responsabilidade disciplinaria na que se puidese incurrir, e que se esixirá conforme ás disposicións xerais da presente lei.

4) A responsabilidade penal rexerase polo establecido nas leis penais.



TÍTULO IV

ÓRGANOS TÉCNICOS E ASESORES

CAPITULO I.- COMITÉS EN XERAL

ARTIGO 66.- A Federación Galega de Tríatlon e Pétaton Moderno poderá crear, previa aprobación pola Asemblea Xeral, cantos Comités técnicos precise, ademais dos seguintes:

- a) Comité de Competición e Disciplina Deportiva.
- b) Comité de Xuíces.
- c) Comité de Relacións Exteriores.
- d) Comité de Actividades.
- e) Comité Técnico.
- f) Comité de Promoción.
- g) Comité Deportivo.

Tódolos Presidente/as dos Comités serán nomeados polo Presidente/a da Federación Galega entre os membros da Xunta Directiva. O Secretario/a intervirá como Secretaría de tódolos Comités, sen voz e sen voto, salvo que fose membro dos mesmos.



Os Comités rexeranse polos seus respectivos regulamentos internos e, no seu caso, pola normativa nacional unificada e emanada da Federación Española de Triatlón e Pétatlón Moderno, pola lexislación aplicable e polo disposto nos presentes Estatutos.

CAPITULO II.- DISCIPLINA DEPORTIVA

ARTIGO 67.- 1º) A Federación Galega de Triatlón e Pétatlón Moderno en materia de disciplina deportiva ten potestade sobre tódalas persoas que formen parte da súa estrutura orgánica, os clubs, os seus deportistas, técnicos e directivos, os xuíces e árbitros, e en xeral todas aquelas persoas que estando federadas, desenvolvan a actividade que constitúe o seu obxecto social no ámbito da Comunidade Autónoma de Galicia.

2º) Ámbito de aplicación: A xurisdicción deportiva esténdese ó coñecemento e resolución das cuestiós que en materia xurídico deportiva se susciten nos ámbitos disciplinario, organizativo-competicional, electoral e administrativo-deportivo.

ARTIGO 68.- A potestade disciplinaria que corresponde a Federación Galega de Triatlón e Pétatlón Moderno exercerase:

- a) En primeira instancia por un Xuíz/a Único/a, que será auxiliado por un secretario/a pertencente á Federación Galega. Será o encargado de coñecer e máis de resolver os casos que se lle plantexen segundo a súa competencia.
- b) En segunda instancia polo Comité de Apelación, integrado por un xuíz/a único, que será licenciado en dereito. Será o encargado de coñecer e resolver os recursos que lle formulen contra as resoluciós do Comité de Competición e Disciplina Deportiva.



Ambos órganos serán nomeados pola Asemblea Xeral, a proposta do Presidente, e a duración do cargo coincidirá coa da Asemblea Xeral que os nomease.

Ambos órganos rexiranse polo disposto na Lei 3/2012 de 2 de abril e polo R.D. 1591/1992 de 23 de decembro, sobre disciplina deportiva, os presentes Estatutos e a propia regulación federativa que os desenrola.

A composición destes comités será comunicada a Secretaría Xeral para o Deporte.

ARTICO 69.- Todo o relativo o réxime disciplinario da Federación Galega Triatlón e Pétatlón Moderno, tipificación de faltas e sanciós, competencias dos seus órganos disciplinarios e normas de procedemento, será establecido regulamentariamente de conformidade co disposto nas normas legais vixentes.

ARTICO 70.- Os actos e acordos do Comité de Competición e Disciplina Deportiva serán recorribles ante o Comité Galego de Xustiza Deportiva, de acordo en cada caso, coa normativa vixente.

CAPITULO III.- COMITÉ DE XUÍCES



ARTIGO 71.- O Comité Galego de Xuíces é o órgano técnico subordinado á disciplina da Federación Galega de Triatlón e Pétatlon Moderno, que se ha de coidar da captación, ensino e organización dos xuíces no ámbito galego.

O Comité Galego de Xuíces adoitará a estrutura territorial da Federación Galega de Triatlón e Pétatlon Moderno.

ARTIGO 72.- Serán funcións deste Comité:

- a) Establecer os niveis de formación arbitral.
- b) Clasificar tecnicamente ós xuíces en función de criterios prefixados pola Asemblea Xeral, propoñendo á Xunta Directiva a adscrición ás categorías correspondentes. Estas clasificacións serán comunicadas á Asemblea Xeral.
- c) Propoñer os candidatos a Xuíces de categorías nacionais.
- d) Propoñer á Xunta Directiva as normas administrativas que regulan a arbitraxe para a súa posterior aprobación pola Asemblea Xeral.
- e) Propoñer ós Xuíces nas competicións oficiais do ámbito galego.
- f) Colaborar cos órganos competentes da Federación.

CAPITULO IV.- COMITÉ DE RELACIÓNES EXTERIORES

ARTIGO 73.- O Comité de Relaciónes Exteriores terá como función fundamental organización e dirección das seleccións Galegas así coma as relacións nacionais e internacionais.



CAPITULO V.- COMITÉ DE ACTIVIDADES

ARTIGO 74.- O Comité de Actividades terá ó seu cargo o estudio, organización, supervisión, dirección e control das competencias.

CAPITULO VI.- COMITÉ TÉCNICO

ARTIGO 75.- O Comité Técnico terá como función fundamental a planificación, confección, e o desenrollo dos programas relacionados co Triatlón e Pétatlon Moderno, coas escolas de deportistas, adestradores e árbitros, así coma aquelas cuestións técnicas que sexan necesarias, como os “clinics”, cursos superiores, concentracións, perfeccionamento dos deportistas, adestradores e tódalas demais cuestións técnicas que sexan necesarias. O Presidente/a da Federación Galega de Triatlón e Pétatlon poderá nomear ó director/a Técnico/a deste Comité, que será o cargo retribuído, se é mester, e estará ás ordes directas do Presidente/a e de dito Comité.



CAPITULO VII.- COMITÉ DE PROMOCIÓN

ARTIGO 76.- O Comité de Promoción terá como función fundamental a promoción do Triatlón e Pétatlon Moderno, a proposta de creación de Federacións Zonais, Escolas de Triatlón, Guías locais e zonais, así como de tódalas categorías que poidan crearse dentro da orientación educativa preceptiva, o asesoramento para a instalación de novas pistas polideportivas. todas aquelas cuestiós que sexan propias, como as campañas de captación e divulgación do Triatlón e Pétatlon Moderno.

ARTIGO 77.- Regulamentariamente, poderá regularse o funcionamento, composición e competencias dos distintos comités.

CAPITULO VIII.- COMITÉ DEPORTIVO

ARTIGO 78.- Terá como función o asesoramento sobre organización de probas deportivas (seguridade, calidade, etc).

TÍTULO V

RÉXIME ELECTORAL



CAPITULO I.- OS CENSOS

ARTIGO 79.- Compoñerán os censos correspondentes a cada estamento electoral tódolos membros da Federación Galega de Triatlón e Pétatlon Moderno que reúnan os requisitos establecidos para cada estamento nos presentes estatutos e no Regulamento Electoral.

CAPITULO II.- REGULAMENTO ELECTORAL

ARTIGO 80.- Os procesos electorais desenrolaranse conforme ó Regulamento Electoral que deberá ser aprobado pola Asemblea Xeral a proposta do Presidente/a, e regulará as seguintes cuestiós:

- 1.- Número de membros da Asemblea Xeral
- 2.- Calendario Electoral.
- 3.- Censo Electoral.
- 4.- Circunscripción Electoral.
- 5.- Regulación do voto por correo.
- 6.- Composición, competencias e funcionamento da Xunta Electoral.



- 7.- Requisitos para a presentación e proclamación de candidatos a Presidente/a e membros da Asemblea Xeral.
- 8.- Procedemento de resolución de conflitos, impugnacións e reclamacións así coma de recursos electorais.
- 9.- Composición, competencia, funcionamento e ubicación das Mesas Electorais.
- 10.- Elección de Presidente/a.
- 11.- Elección da Comisión Delegada.

O Regulamento electoral deberá ser ratificado pola Secretaría Xeral para o Deporte.



CAPITULO III.- A COMISIÓN XESTORA

ARTIGO 81.- Acordada a convocatoria de Eleccións pola Asemblea Xeral e aprobado o Regulamento Electoral, o Presidente/a procederá no prazo sinalado no mesmo á convocatoria de eleccións á asemblea Xeral. A partires dese intre, a Xunta Directiva e o Presidente/a constituirase en Comisión Xestora, e someterán o Regulamento electoral a ratificación pola Secretaria Xeral para o Deporte.

A Comisión Xestora garantirá a máxima difusión e publicidade das convocatorias de eleccións á asemblea Xeral e a presidente/a, así como do Regulamento Electoral coas medidas previstas nas disposicións federativas a través dun medio que permita asegurar a recepción de dita notificación.

O regulamento electoral deberá ser exposto en cada circunscripción electoral o mesmo día da convocatoria.

A comisión Xestora administrará a Federación Galega e convocará e realizará novas eleccións no prazo máximo de tres meses no caso de que non se presentase ningunha candidatura ou non fose válida ningunha das presentadas.

ARTIGO 82.- A circunscripción será única con ámbito de todo o territorio da Federación Galega de Tríatlon e Pétatlon Moderno.

CAPITULO V. XUNTA ELECTORAL

ARTIGO 83.- A Xunta Electoral estará composta por tres membros titulares e tres suplentes, elixidos por sorteo na Asemblea Xeral, entre as persoas que presenten a súa candidatura.

Os membros da xunta deberán reunir os seguintes requisitos:

- a) ser maior de 18 anos.
- b) Ter o título de bacharelato ou equivalente.
- c) Non presentarse como candidato a membro da Asemblea Xeral..
- d) Non ter relación contractual ou profesional ca federación.



Inmediatamente quedará constituída a Xunta Electoral, exercendo como Presidente/a da mesma o membro de mais idade dos elixidos, e como secretario/a de actas un membro da federación con voz e sen voto designado pola Asamblea Xeral.

A Xunta Electoral terá as seguintes funcións:

- a) A homologación do Censo electoral, resolvendo as cuestións e queixas que formulen sobre o mesmo en relación coa súa formación ou rectificación.
- b) A resolución das queixas, reclamacións e recursos que se planteen co gallo dos diferentes actos electorais.
- c) A admisión e proclamación de candidaturas.
- d) A proclamación dos resultados electorais.
- e) A corrección das infraccións que, eventualmente, se produzan no proceso electoral.
- f) Aquelas outras que se deduzan da súa propia natureza ou se lle atribúan pola normativa vixente.

A Xunta Electoral tomará as súas decisións, que serán executivas, por maioría simple, unha vez finalizada a votación e o reconto da mesma, levantarán a correspondente acta que remitirá á Dirección Xeral para o Deporte, nun prazo máximo de tres días.

Unha vez concluído o proceso electoral da Asemblea Xeral do Presidente da Federación e da Comisión Delegada, a Xunta Electoral disolverase.



CAPITULO VI. MESAS ELECTORAIS

ARTIGO 84.- Para a elección dos distintos estamentos da Asemblea Xeral do Presidente/a e da Comisión Delegada, constituiranse unha ou varias mesas electorais, de acordo co establecido no Regulamento Electoral. Os membros destas mesas non poderán ser candidatos, axustándose no seu funcionamento ás normas que se establezan no Regulamento Electoral.

ARTIGO 85.- As reclamacións e impugnacións que se presenten contra calquera acto electoral dirixiranse á Xunta Electoral e, contra o que esta resolva, caberá recurso ante o Comité Galego de Xustiza Deportiva. Así mesmo caberá recurso ante o Comité Galego de Xustiza Deportiva contra tódolos actos, acordos ou resolucións da Xunta Electoral ou de calquera outro órgano ou membro da Federación en materia electoral.

CAPITULO VII. ELECCIÓN Á ASEMBLEA XERAL

ARTIGO 86.- 1.- Os membros da Asemblea Xeral serán elixidos cada catro anos coincidindo cás Xogos Olímpicos de Inverno, mediante sufraxio libre, secreto, igual e directo, entre e polos componentes dos distintos estamentos da Federación.

2.- As eleccións á Asemblea Xeral serán acordadas pola mesma, que aprobará a convocatoria con tódolos requisitos que se establezan no regulamento electoral que así mesmo se aprobe.



3.- Acordada pola Asemblea Xeral a convocatoria de Eleccións, o acordo será formalmente executado polo Presidente/a da Federación, o cal asinará a mesma.

4.- Desde a convocatoria para a celebración desta Asemblea Xeral a Xunta Directiva e o Presidente/a da Federación constituiranse en Comisión Xestora, de acordo co xa previsto nestes Estatutos.

ARTIGO 87.- Para ser candidato a membro da Asemblea Xeral requirirase o cumprimento dos requisitos establecidos con carácter xeral no artigo 40 parágrafo último deste Estatuto e o establecido para ser elector que se indican nos artigos 90 e 91 dos presentes Estatutos referentes á antigüidade.

Os requisitos para ser electores ou elixibles deberán cumplirse no día en que se publique a convocatoria de eleccións.

ARTIGO 88.- As eleccións á Asemblea Xeral realizaranse para cada un dos postos correspondentes ó estamento integrantes da mesma de acordo co previsto nos presentes.



ARTIGO 89.- Os representantes dos Clubs e entidades deportivas na Asemblea Xeral serán elixidos por e entre os clubs e entidades deportivas inscritas no Rexistrio de Asociacións Deportivas e Deportistas de Galicia e na Federación no momento da convocatoria electoral que cumpran os demais requisitos previstos pola normativa autonómica de aplicación.

ARTIGO 90.- Os representantes dos deportistas na Asemblea Xeral serán elixidos entre os maiores de 18 anos, con licenza en vigor no momento da convocatoria, que cumpran os demais requisitos previstos na normativa autonómica de aplicación.

ARTIGO 91.- Os representantes dos Técnicos-Adestradores, Organizadores e do Colectivo de Xuíces na Asemblea Xeral, serán elixidos por e entre os pertencentes a cada un deses estamentos, maiores de 18 anos, con licenza en vigor, que cumpran os demais requisitos previstos na normativa autonómica de aplicación.

CAPITULO OITAVO. ELECCIÓN DO PRESIDENTE/A

ARTIGO 92.- Unha vez concluídas as eleccións a Asemblea Xeral, o Presidente/a da Comisión Xestora, previo acordo da mesma, procederá inmediatamente á convocatoria de dita asemblea para elixir ó Presidente/a e á Comisión Delegada da Federación Galega.

O Presidente/a será elixido por un período de catro anos, coincidindo cos anos nos que se celebren os Xogos Olímpicos de Inverno, pola Asemblea Xeral mediante sufraxio, libre, directo, igual e secreto por e entre os membros da Asemblea Xeral, previa a presentación e aceptación das candidaturas correspondentes.

ARTIGO 93.- Será elixido Presidente/a o candidato que obteña a maioría absoluta dos votos presentes. No caso de que ningún candidato alcance esa maioría procederase a unha segunda votación entre os dous candidatos más votados, resultando elixido o que obteña a maioría dos votos.



ARTIGO 94.- Para poder ser candidato a Presidente/a da Federación Galega de Tríatlon e Pétatlon Moderno deberán reunirse os seguintes requisitos:

- a) Ter a condición de cidadán de Galicia, segundo o disposto en cada momento polo Estatuto de Autonomía de Galicia.
- b) Ser maior de idade e estar en pleno uso dos dereitos civís.
- c) Non estar incuso en ningunha sanción deportiva inhabilitadora, ditada polos órganos disciplinarios da Federación Galega de Tríatlon e Pétatlon Moderno ou polo Comité Galego de Disciplina Deportiva.
- d) Non ter sido condenado mediante sentencia xudicial firme que leve anexa pena principal ou accesoria de inhabilitación absoluta ou especial para o desempeño de cargos públicos.

ARTIGO 95.- A votación será libre, igual secreta e directa, non admitíndose voto por correo, nin por delegación de persoas físicas.

CAPITULO NOVENO. ELECCIÓN DA COMISIÓN DELEGADA



ARTIGO 96.- Na mesma Asemblea Xeral convocada para a elección de Presidente/a, e unha vez realizada esta procederase á elección dos membros da Comisión delegada da Asemblea Xeral.

A Comisión Delegada estará composta por sete membros, ademais de polo Presidente/a da Federación Galega.

Os membros da Comisión Delegada serán elixidos entre os integrantes da Asemblea Xeral.

Serán elixidos membros da Comisión Delegada aqueles que obteñan maior número de votos ata cubrir o número de membros correspondentes á Comisión Delegada.

TÍTULO VI RÉXIME ECONÓMICO

ARTIGO 97.- A Federación Galega de Tríatlon e Pétatlon Moderno terá un réxime de administración, presuposto e patrimonio propio, e gozará de plena autonomía.

O presupuesto de ingresos e gastos anuais realizarase de acordo ó principio de caixa única.

O Tesoureiro/a someterá á Asemblea Xeral para a sua aprobación o orzamento correspondente ao seguinte exercicio económico, debendo remitirse a Secretaría Xeral para o Deporte no prazo de un mes dende a sua aprobación. Asemesmo, someterá á Asemblea Xeral para a sua aprobación, a liquidación do orzamento do exercicio económico anterior.

Salvo autorización expresa da Administración Deportiva da Xunta de Galicia, non poderá aprobarse un presupuesto deficitario.

Tampouco poderán repartirse beneficios entre os membros da Federación Galega.



ARTIGO 98.- A Federación Galega de Triatlón e Pétatlón Moderno elaborará unha memoria na que analizará fielmente a súa actividade económica, a súa adecuada actuación orzamentaria e o cumprimento dos seus obxectivos e os proxectos a desenrolar e informará separadamente sobre os seguintes aspectos:

- 1.- Diferenciación entre ingresos e achegas segundo o seguinte desglose:
 - a) Subvencións públicas.
 - b) Subvencións, donativos e achegas privadas.
 - c) Ventas activos.
 - d) Ingresos procedentes de competicións organizadas.
 - e) Ingresos para servizos prestados pola Federación, permisos, licencias, inscricións, afiliacións, fichas e outros que se establezan, previa aprobación pola Asemblea.
 - f) Ingresos financeiros.
- 2.- Tamén constará o destino da totalidade dos recursos, distinguindo como mínimo os seguintes grupos de custe ou inversións:
 - a) Administración da Federación.
 - b) Dirección ou servizos da Directiva, incluíndo viaxes.
 - c) Competicións.
 - d) Axudas a Clubs e Entidades.
 - e) Axudas para actos deportivos.
 - f) Construcións e outros inmobilizados.
 - g) Formación de deportistas e técnicos.
 - h) Deportes de elite profesional.
 - i) Xuíces.
 - j) Órganos disciplinarios.
 - k) Manter as Federacións Zonais.
- 3.- O importe das obrigas de pago que sexa necesario satisfacer noutros exercicios que non estean previstos no balance.
- 4.- O importe das garantías e dos avais comprometidos.
- 5.- A liquidación dos presupostos. que explique as variacións en relación co presupuesto aprobado na Asemblea Xeral anterior.



ARTIGO 99.- As contas anuais e os presupostos deberán estar no domicilio social da Federación Galega cunha antelación mínima de 15 días á data de celebración da Asemblea Xeral a disposición das persoas, Clubs ou entidades con dereito a voto na mesma, as cales poderán pedir copia que lles será entregada antes da celebración da Asemblea.

ARTIGO 100.- Procedencia do patrimonio da Federación. Constitúen os ingresos da Federación Galega de Triatlón e Pétatlón Moderno os seguintes:



- a) As subvencións que poida recibir do Estado, Xunta de Galicia, Federación Española Triatlón e Pétatlon Moderno, Deputacións, Concellos ou calquera outras Entidades Públicas ou Privadas.
- b) Os ingresos obtidos por afiliacións inscricións fichas licencias, servizos ou outros ingresos que se establezan, previa aprobación polos órganos correspondentes.
- c) A participación que se poida fixar nos ingresos de todo tipo que teñan as Asociacións, Agrupacións, Clubs e resto de Entidades, previa aprobación pola Asemblea Xeral.
- d) O importe das sancións e multas que se produzcan a consecuencia das competicións que a Federación organice, e con ocasión do exercicio da potestade disciplinaria.
- e) O beneficio que se obteña por calquera concepto e se produza en actos, encontros e competicións que se organicen.
- f) Os donativos, subvencións, e outros ingresos que se deriven do exercicio da actividade propia da Federación.
- g) Os préstamos ou créditos que se lle concedan.
- h) Os procedentes de calquera actividade legal que a título lucrativo ou pola explotación ou arrendamento dos bens se produzcan en favor da Federación.



ARTICO 101.- Destino do patrimonio da Federeación. A totalidade de ingresos patrimonio da Federación Galega de Triatlón e Pétatlon Moderno deberán ser destinados á consecución dos fins propios do seu obxecto social, e en particular á promoción e a ensinanza do Triatlón e Pétatlon Moderno.

ARTIGO 102.- En consonancia co disposto no artigo 60.3 anterior, a xestión económica ordinaria da Federación correrá a cargo do Tesoureiro/a, baixo a dirección do Presidente/a, coidando das operacións de cobros e pagos. Autorizará coa súa firma mancomunada coa do Presidente, ou coa do Vicepresidente/a autorizado, tódolos documentos de movementos de fondos. Será responsable de levar e custodiar os libros contables Formular os balances que, anualmente, deberán presentarse á Asemblea Xeral para súa aprobación.

Suposto de ausencia do Tesoureiro/a, será o Presidente/a da Federación Galega de Triatlón e Pétatlon Moderno o responsable do exercicio das funcións propias daquel as cales poderán delegar na persoa que estime oportuno.

ARTIGO 103.- O exercicio económico comeza o día 1 de Xaneiro e remata o 31 de Decembro.

ARTIGO 104.- De acordo co establecido no artigo 61 da Lei 3/2012 será necesaria a autorización da Administración autonómica para a venta ou gravamen dos bens inmóbiles da súa titularidade. Así mesmo, tamén se requerirá igual autorización cando se pretenda comprometer gastos de carácter plurianual ou cando a natureza do gasto, ou a porcentaxe deste en relación co seu orzamento, vulneren os criterios que regulamentariamente se determinen.

TITULO VII

RÉXIME DOCUMENTAL



ARTIGO 105.- A Federación Galega de Tríatlon e Pétatlon Moderno levará como mínimo os seguintes libros, debidamente dilienciados:

- a) Libro rexistro de entrada e saída de documentos e comunicacións.
- b) Libro rexistro de Clubs, no que constará a denominación destes, domicilio social, e número de inscrición no rexistro de Clubs, Federacións e entidades Deportivas da Xunta de Galicia.
- c) Libros de actas que consignarán as reunións que celebren tódolos órganos colexiados da Federación, tanto de goberno e representación como complementarios e técnicos.
- d) Libros de contabilidade.
- e) Libro inventario de bens móbiles e inmóveis.

O Rexistro de membros da Asemblea Xeral e da Comisión Delegada, no que deberán constar os nomes dos titulares ou representantes legais e os domicilios para citacións e comunicacións.



ARTIGO 106.- En consonancia có previsto no artigo 60.2 anterior, o réxime documental da Federación Galega de Tríatlon e Pétatlon Moderno estará a cargo do Secretario/a, ó cuál illa corresponde a custodia dos libros da Federación, levantar actas das reunións dos órganos colexiados e, unha vez aprobadas, asinalas có Visto Bo do Presidente/a, expedir certificacións, remitir as certificacións e acordos que procedan á Secretaría Xeral para o Deporte, e, en xeral, preparar a resolución e despacho de tódolos asuntos.

En caso de ausencia ou imposibilidade física do propio Secretario/a, as súas funcións serán desenroladas polo propio Presidente/a da Federación Galega, ou pola persoa en quen este delegue.

Tódolos acordos adoptados polos órganos colexiados da Federación Galega de Tríatlon e Pétatlon Moderno figuran recollidos nas actas e libros correspondentes na Secretaría da Federación Galega de Tríatlon e Pétatlon Moderno que se dará a publicidade oportuna segundo o seu contido, ben mediante a colocación dos mesmos no taboleiro de anuncios da sede federativa, mediante a súa publicación na páxina web da Federación, mediante a remisión de circulares ou boletíns que os conteña a todos os federados, ou no seu caso a aqueles que poidan resultar afectados polos mesmos, sen prexuízo da notificación ós interesados en aqueles casos que se estableza nos presentes estatutos.

TÍTULO VIII

ADOPCIÓN DE ACORDOS, IMPUGNACIÓN E PUBLICIDADES

ARTIGO 107.- O réxime de adopción de acordos dos órganos colexiados e o recollido anteriormente nos presentes estatutos.

ARTIGO 108.- Impugnación de acordos. O orden xurisdiccional civil será competente, nos termos establecidos na Lei Orgánica do Poder Xudicial, en relación coas pretensións derivadas do tráfico xurídico privado da Federación e o seu funcionamento interno.

Os acordos e actuacións dos órganos da Federación poderán ser impugnados por calquera federado ou persoa que acredite un interese lexítimo, se os estimase contrarios o ordenamento xurídico, polos trámites do xuízo que corresponda.



Os federados poderán impugnar os acordos e actuacións da Federación que estimen contrarios ós Estatutos dentro do prazo de un mes a partir da data de adopción dos mesmos, instando a súa rectificación ou anulación e a suspensión preventiva no seu caso, ou acumulando ambas pretensións polos trámites establecidos na Lei de Enxuciamento Civil.

O orden xurisdiccional contencioso administrativo, será competente en tódalas cuestións que se susciten nos procedementos administrativos instruídos en aplicación da Lei Orgánica 1/2002, de 22 de marzo, reguladora do dereito de asociación, de conformidade coas regras establecidas na Lei Orgánica do Poder Xudicial e na Lei reguladora da xurisdicción contencioso administrativa.

TÍTULO IX

DA MODIFICACIÓN DE ESTATUTOS E DA DISOLUCIÓN DA FEDERACIÓN GALEGA DE TRIATLON E PENTATLON MODERNO



ARTIGO 109.- Os Estatutos da Federación Galega de Triatlón e Pentatlón Moderno soamente poderán ser modificados pola Asemblea Xeral e de acordo co establecido nos mesmos.

ARTIGO 110- A proposta de modificación dos estatutos deberá ser acordada polo Presidente/a ou pola Comisión Delegada da Federación Galega de Triatlón e Pentatlón Moderno nomeándose seguidamente pola mesma unha comisión técnica que realice os traballos necesarios para presentar ante a Asemblea os novos textos, totais ou parciais, que se someterán a aprobación.

Aprobada a reforma de Estatutos pola Asemblea Xeral, deberá ser ratificada pola Secretaría Xeral para o Deporte.

ARTIGO 111.- A Federación Galega de Triatlón e Pentatlón extinguirase polas seguintes causas:

- a) Por acordo da maioría dos dous terzos de membros da Asemblea Xeral refrendado, por maioría absoluta, por tódolos membros da Federación Galega de Triatlón e Pentatlón Moderno a través de votación libre, igual, directa e secreta.
- b) Pola revogación do seu recoñecemento.
- c) Por resolución xudicial.
- d) Por integración ou fusión con outra federación deportiva galega.
- e) Polas demais causas previstas no ordenamento xurídico.

Unha vez producida a liquidación, o patrimonio neto destinarase na súa totalidade a algunha das entidades beneficiarias do mecenazgo, os efectos previstos nos art. 16 a 25, ambos inclusive, da Lei 49/2002, de 23 de decembro, de Réxime Fiscal de Entidades Sen Fins Lucrativos e Incentivos Fiscais do Mecenazgo, ou a entidades públicas de natureza non fundacional que persigan fins de interese xeral.


ARTIGO 112.- A Federación Galega de Triatlón e Pentatlón Moderno poderá decidir desconfederarse da Federación Española de Triatlón e/ou da Federación Española de Pentatlón



Moderno, si así o considera oportuno a mayoría dos dous terzos de membros da súa Asemblea Xeral.

DISPOSICIÓN DEROGATORIA E FINAL

Os presentes Estatutos, unha vez aprobados pola Asemblea Xeral da Federación Galega de Tríatlon e Pétatlon Moderno, entrarán en vigor a mesma data da súa sanción polo órgano competente da Xunta de Galicia, quedando desde entón derogada toda norma que se opoña ó disposto nos mesmos, e en particular ós estatutos aprobados en data, así como o Regulamento Xeral de desenrollo dos mesmos.



Oscar Suris
PRESIDENTE



Ana de los Ángeles Otero Tago
SECRETARIA XERAL

